

宛陵集

宋梅聖俞先生工於詩吳趨徐七來氏重刻其所爲宛陵集者以廣其傳詩序於予至五六而不已可爲勸矣予遲久未有以應豈不以先生之友歐陽公知之深道之詳生序其集書其墓死祭以文葬銘其墓而予之荒文不能以有加也哉世欲知先生之詩讀歐陽公之文而可知也已雖然歐公謂世所傳詩者多出於古窮人之辭則學者不能無疑焉詩三百篇如武王周公成王宣王召康穆公尹吉甫衛武公之倫其所賦詩皆目爲古窮人之辭可乎非窮人也而遂疑其詩有未工也而可乎且康哉之歌載於虞書舜皋陶豈窮而工者乃曰愈窮則愈工世之學者求其說而不得必且以采薇天保清廟閔宮之作謂反不如桑采芣苢柳北門中谷之感憤而悲涼是歐公斯言滋之惑矣何也先生既繫官於朝而爲尚書都官員外郎則非沈淪氓庶也史稱西南夷布弓衣皆繼其詩名靈於時如此豈窮哉然則歐公奚以云蓋嘗聞諸孔子曰君子通於道之謂通窮於道之謂窮凡位不配德任不展才是皆所爲不得志而窮焉者之事也故歐公曰若使其幸得用於朝廷作爲雅頌而追商周之作者豈不偉與奈何使其老不得志而爲窮者之詩也觀於是而歐公之言明先生之意得矣太史公謂詩三百篇此人皆意有所鬱結不得通其道夫鬱結不得通豈非所謂窮人之辭哉韓昌黎亦云窮愁之音易工歐公之言有以夫周公聖相也成王宣王賢君也其人不窮矣然鴟鵂桃蟲雲漢諸作內有憂思感憤之鬱積而寫人情之難言是亦與窮人之辭何以異信乎非詩之能窮人始窮者而後工也我故曰讀歐陽公之文而先生之詩可知矣歐公雖專稱其詩然誌又云他文章皆可喜今梓之共六十卷序既不獲辭聊書是以塞其請亦因以曉學者

康熙壬午仲夏商丘宋榮撰

予聞世謂詩人少達而多窮夫豈然哉蓋世所傳詩者多出於古窮人之辭也凡士之蘊其所有而不得施於世者多喜自放於山巖水涯之外見蟲魚草木風雲鳥獸之狀類往往探其奇怪內有憂思感憤之鬱積其興於怨刺以遺韓臣寡婦之所數而寫人情之難言蓋愈窮則愈工然則非詩之能窮人始窮者而後工也予友梅聖俞少以廩補爲吏累舉進士抑於有司困於州縣凡十餘年年今五十猶從僻書爲人之佐鬱其所蓄不得奮見於事業其家宛陵幼習於詩自爲童子出語已驚其長老既長學乎六經仁義之說其爲文章簡古純粹不求苟說於世世之人徒知其詩而已然時無賢愚語詩者必求之聖俞聖俞亦自以其不得志者樂於詩而發之故其平生所作於詩尤多世既知之矣而未有薦於上者昔王文康公嘗見而歎曰二百年無此作矣雖知之深亦不果薦也若使其幸得用於朝廷作爲雅頌以詠歌大宋之功德薦之清廟而追商周魯頌之作者豈不偉歟奈何使其老不得志而爲窮者之詩迺徒發於蟲魚物類窮愁感歎之言世徒喜其工不知其窮之久而將老也可不惜哉聖俞詩既多不自收拾其妻之兄子謝景初懼其多而易失也取其自洛陽至于吳興以來所作次爲六十卷予嘗嗜聖俞詩而患不能盡得之遽喜謝氏之能次也輒序而藏之慶曆六年三月右正言知制誥知滁州事歐陽脩序

宛陵先生文集總目

第一卷

西京詩五十六首

第二卷

西京詩五十首

第三卷

西京詩六十一首

第四卷

池州後詩五十八首

第五卷

池州後詩上二十九首

池州後詩下三十三首

第六卷

池州後詩三十七首

汝州後詩十一首

第七卷

汝州後詩五十一首

第八卷

汝州後詩四十三首

湖州後詩六首

第九卷

湖州後詩四十六首

第十卷

湖州後詩六十五首

第十一卷

湖州後詩五十九首

第十二卷

詩六十三首

第十三卷

詩二十九首

第十四卷

詩十六首

第十五卷

詩四十六首

第十六卷

詩四十四首

第十七卷

詩六十四首

第十八卷

詩四十六首

第十九卷

詩三十五首

第二十卷

詩五十二首

第二十一卷

詩四十四首

第二十二卷

詩四十三首

第二十三卷

詩四十二首

第二十四卷

詩五十九首

第二十五卷

詩四十四首

第二十六卷

詩四十七首

第二十七卷

詩四十四首

第二十八卷

詩五十八首

第二十九卷

詩五十首

第三十卷

詩五十六首

第三十一卷

詩五十七首

第三十二卷

詩六十一首

第三十三卷

詩五十四首

第三十四卷

詩六十四首

第三十五卷

詩三十七首

第三十六卷

詩五十二首

第三十七卷

詩六十首

第三十八卷

詩四十七首

第三十九卷

詩二十七首

第四十卷

詩四十五首

第四十一卷

詩四十首

第四十二卷

詩三十八首

第四十三卷

詩六十三首

第四十四卷

詩三十八首

第四十五卷

詩三十七首

第四十六卷

詩三十二首

第四十七卷

詩五十二首

第四十八卷

詩四十二首

第四十九卷

詩二十八首

第五十卷

詩二十九首

第五十一卷

詩五十首

第五十二卷

詩三十七首

第五十三卷

詩三十二首

第五十四卷

詩三十三首

第五十五卷

詩三十四首

第五十六卷

詩二十九首

第五十七卷

詩三十首

第五十八卷

詩三十四首

第五十九卷

詩三十四首

第六十卷

記一首

序一首

賦十九首

宛陵先生文集卷第一

和謝希深會聖宮

三后威靈遠層樓宇與衣冠漢原廟歌舞魏西陵日月融光感山河王氣增
叢樹琢文石連網絡朱繩碧瓦寒鋪玉重欄瑩鑲冰粹儼神霧擁法衣繡龍升
星斗羅容衛軒轅侍股肱宸蹤耀瑞羽集軀稊閱殿深珠箔雕垣界綺縠
笙從綵嶺咽雲傍帝鄉凝龜組恭來詣昭瑞肅奉承欲知歸厚意孝德自烝烝

右丞李相公自洛移鎮河陽

侯服齊三輔天臺登百僚新章刻銅虎舊德冠金貂已作歌襦化方期執玉朝
雙轡辭洛宅千騎向河橋鼓角春城暮驚花故苑遙瓜亭猶接曉棠茂自數條
夾道都人擁迎風駟牡騶莫隨文學乘空望旆旌飄

上巳日午橋石瀨中得雙鰕魚

倚楔洛之濱湍流得素鱗多慚折腰吏來作食魚人水髮黏鰕綠溪毛映渚春
風沙暫時遠紫綬憶江蓀

寒食前一日陪希深遊大字院

一百五將近千門煙火微閑過少傳宅喜見老萊衣晚雨竹間響香禽花上飛
程庭清溜滿幽興自忘歸

遊龍門自潛溪過寶應精舍

遙愛夏景佳行行清興屬安知轉迴溪始覺來平谷古殿藏竹間香菴遍嚴曲
雲霞弄暉暉草樹含新綠時鳥自懸巖山花競紛綸莫言歸路賒明月還相續

依韻和希深遊大字院

白傳宅

大君康樂裔顧我子真派湛然懷清機超爾尋虛界暫來香園中共憩寒松大
先生醉復吟長老言不壞信與賞心符寧同俗士愛杖屨志遊遠池塘仍感慨
焚香露蓮泣聞聲霜鷗適青板今已空濁醪誰許載軟草當熊烟低簾挂纓帶
不覺月明歸候門僮僕怪

傷白雞

我庭有素雞翎羽白如脂日所慮狂犬未嘗憂雙狸環棲向檐際朝啄循階基

每先為鳥鳴不失風雨時雖吾困虞薄尚汝稻粱遺昨宵天氣黑陰物恣所覓

潛來銜搏去但覺聲音悲閉門俾馳救已過牆東睡呵叱不敢食寧然留在茲
湧血被其頸嗚呼氣甚危皓臆變丹赤霜翅兩離披憫心欲之活碎腦安能治
委廢從爾命孰忍置柱為猶看零落毛滿漢隨風吹念始託茲地蒙幸信可知
充庖豈云患度日無苦飢如何遇凶獸毒汝曾不疑斯事義雖小得以深理推
鄧生賜山鑄未免終餒而人道尚乃爾憐焉聊俛眉

尹師魯治第伐檇

伊人利營構思欲新其居匠築經舊址檇檇礙高構且云忍不伐何以成吾廬
人言此樹古百怪所憑依獨棄一定議自將羣俗違乃俾執柯者丁丁霜刃揮
殲殲條百尺橫仆株數圍從茲朝夕間不聞鳥雀喧既能有子室而復高其門
周也昔聘辯得以不材輪工今誠匪度苟害安可存舟楫且非藉薪蠶聊用燔
莫比溝中斷區區望機機

尹陽尉耿傳惠新栗

金行氣已勁霜竊竊林梢尺素走下隸一奮來遠郊中黃比玉質外劇同芙蓉
野人寒齋會山爐夜火炮梨慚小兒嗜老儂竊官拋此焉真可脫遽爾及衡茅
和楊子聰會董尉家

董生方好雅茲日為掃屏森爾延嘉賓歡然去塵機有客振雙袂敢言陽春暉

聊停玉麈尾為歌金縷衣古辭何稠疊無乃惜芳菲三閭不鋪糟二子自探薇
雖留千載清未免當時飢吾愛曹公詩古來不敢非人生若朝露拾醉當何歸
四座驚此語未服翠觴飛胡能後天地何可恃輕肥沉酣且長詠白首空獻歡

嶺雲

片雨過青天山雲歸絕嶺林際隱微虹溪中落行影還看隴首飛復愛山間靜

垂澗藤

寒松偃澗濱弱蔓垂纓綠波繁翠帶長水澗低花覆終日探蘋人攀條映巖曲

林翠

鬱鬱長條抽林間翠堪翫背嶺山氣濃幽人趣不淺

舟中遇雪

曉風鳴大澤春雪下長河沙草綠堤沒楊花拂水多驚鷗不知遠候鴈幾聞過
欲聞邪溪轉今朝奈與何

田家四時

昨夜春雷作荷鋤理南陂杏花將及候農事不可遲蠶女亦自念牧童仍我隨
田中逢老父荷杖獨熙熙
草木遠籬威田園向郭斜去鋤南山豆歸壠東園瓜白水照茅屋清風生稻花
前陂日已晚聒聒競鳴蛙

荒邨人自樂頗足平生心朝飯露葵熟夜春雲谷深採山持野斧射鳥入煙林
誰見秋成事愁蟬復怨蟬

今朝田事畢野老立門前折頭望飛鳥貪喧話餘年自從備丁壯及此常苦煎
卒歲豈堪念羈衣著更穿

塗中遇雪寄希深

方爲郡邑吏日與故人違極目千山碧馳心一鳥飛岸傍邨杳杳波上雪霏霏
欲寄洛陽信折流行客稀

妾薄命

昔是波底沙今爲陌上塵會聞清冷混金屑誰謂飄揚逐路人悠悠萬物難自
保朝看樓華暮衰老須知鉛黛不足論何必苦心競春草草有再三榮顏無一
定好憂恩事重持徒能亂懷抱

秋日同希深昆仲遊龍門香山晚泛伊川觴詠久之席上各賦古詩以
極一時之娛

落日川上好徘徊弄孤舟鳴榔進山口清唱發渡頭淺瀨不可併停橈信中流
山樓對蒼翠溪鳥自沉浮濯足破嵐影采菱臨芳洲千龜晚煙寂雙壁紅樹秋
細細石間泉搖搖波際樓澄潭若瀉鑑萬象已盈眸康樂足清尚惠連仍此遊
摘景固無遺揮筆曾未休醉來同淵明與盡殊子猷歸傍漁梁靜行看夜火幽
露華初滴滴夜吹何颺颺不犯嚴城漏誰言憐近丘

依韻和希深雨後見過小池

碧池新雨後清興一何賒有客過顏巷無貧似阮家白醪聊泛蟻黃菊未開花
既至休辭醉君其奈歲華

依韻和子聰夜雨

窗頭光更迴宿霧層層掩寒氣微生席輕風欲度簾濕螢依草沒暗溜想池添
況值相如渴無嫌嘗酒甜

和趙員外夏佐趙韓王故宅

開國勳庸大重城邸第寬枯楊映樓角蔓草被牆端不見分香妾空餘鬪鴨闌
誰來悲孔雀金翠羽毛殘

春日遊龍門山寺

還遊二子共到鑿龍遊陰壑泉初動春巖氣欲浮竹藏深磴寺人渡曉川舟
始覺山風急歸鞍不自留

依韻和希深遊府學

東府尊儒日中州進學初杜牢奠商後典籍講秦餘大法存無外羣英樂自如
時漸遊聖末來駕折轅車

傷桑

柔條初變綠春野忽飛霜田婦搖蓑首冰蠶絕繭腸名聲依麥帷載勝繞枝翔
不見羅敷騎金鉤自挂牆

觀理稼

穠秀日已長恩惠艾蘿初來時露霑屢歸去月侵鉏一腹餘猶甚百穀動有餘
吾無力耕苦謬讀古人書

新蘭

露柘林初靜煙楊不復收春蠶吐絲足工女忌寒休翠障時方獻清泉緒未抽
闌中能自巧慵作玉釵頭

依韻和希深遊樂園懷主人登封令

竹映紅蕖水樹開門闌乳雀下青苔伊人何戀五斗粟不作淵明歸去來

錦竹此草也似竹而斑

雖作湘竹紋還非楚筠質化龍徒有期待鳳曾無實本與凡草俱偶觀君子室

廢井

墮廢不知年石欄蒼綠煙濕心空自煩長綆曾誰汲無復語滄波坎蛙奚所及

茶壺

山寺碧溪頭幽人綠巖畔夜火竹聲乾春甌茗花亂茲無雅趣兼薪桂煩然爨

綠山子晉祠以下附太尉錢相公遊南山七章

王子居玉京故山空寂寥猶聞邇月笙尙想賓天鶴翠柏深古壇丹霞留迴整

芝庭誰款扉旌旗穿林薄

少林寺

紅旌過翠岑林際瞻蓮宇門對幾千巖花開第一祖禪庭松色寒石室苔痕古

寂寂不逢人空檐燕方乳

少姨廟

靈祠古殿深少室羣峯碧行雨欲隨車望巖非化石常聞蘭氣蒸誰奠椒香液

寄謝洛川妃凌波定何益

天封觀

車馬雲外來衣冠半山雨弭節叩真居捫蘿笑塵垢迴溪響石叢靈苑抽巖塢

玉樹刻年華應無媿前古謝靈運石上有唐鑿空師石磯碑退之遺全題名在碑今亦刻名於此

會善寺

杳靄隨龍節繁紆歷寶山琉璃開淨界群芳啓禪關蒼苔石泉上清吟雲壑間

峯端生片雨稍促晝輪還

啓母石

曠哉嵩室陽神怪所棲宅蒼石不知年靈態去無迹煙巖想桂宮苔壁凝椒掖

不學舜娥悲瀟湘竹枝碧

轅轅道

險絕稱漢關長躋瞻一室盤行石路回遙雲峯出古壁挂蒼蒼天風起蕭瑟

洛城西首時望望平煙密

中伏日陪二通判妙覺寺避暑時有僧獻翠座

紺宇迎涼日方牀御綵衣清談停玉麈雅曲弄金徽高樹秋聲早長廊暑氣微

不須河朔飲蒼苔自忘歸

元政上人遊終南

維節居杜陵南山常在目今茲踐行遊因以謝巖谷環錫恣探勝樓臺方踐陸

五門嵐翠積人木秋陰覆雲華多隱見林嶺乍回復若見探芝人余非戀微祿

寄河陽俞判官富彥國

籍籍名方遠人知第一流翻同貴公子來事外諸侯地險長河急天高畫角秋

仲宣應自樂寧復賦登樓

河南受代前一日希深示詩

我昔在桐鄉伊人頗欣戴今來佐洛南事繁時背自媿居下流無能謝前輩

固乏橫草功當蒙及瓜代且遣屢訪還何用吏民愛洗眼看舊書怡然忘字內

秋雨

雨後秋氣早涼歸室廬清既權蚊蠅勢任壯雷蟬聲石榴墜枝熟蒼蘚綠階生

閉門且高臥畏向泥塗行

白雲和子聰

長憶江海間龍鳴向寒水鷗鷺蒼渚空悠悠白雲起是時在漁舟放溜看未已

今來居洛陽埃壤生蹄軌羨君茲日心悵悵聊從倚

同尹子漸王幾道訪郭三別墅不遇

秋野已澄曠偶來幽興多茂居隔寒水柴戶隱喬柯看竹曾留屐攜朋不爲鷄

人歸碧苔徑應識履痕過

水菰

灼灼有芳艸本生江漢濱臨風輕笑久隔浦澹妝新白鷺煙中客紅蕖水上鄰

無香結珠穗秋露濕羅巾

黃河

積石導淵源云云瀉萬壑龍門自吞險鯨海終涵量怒浪生萬滴驚流非一狀
淺深殊可測激射無時壯常苦事隄防何曾惠波浪浪川氣迷遠山沙漲落秋漲
槎沫夜浮光舟人朝發唱洪梁驚鷗連古戍蒼崖向浴鳥不知清夕陽空在望
誰當大雪天走馬堅冰上

王氏昆仲歸寧

昨夜雪霏霏山吟未歸關河離遠鴻鴈自相依落日人煙少寒雲驛路微
共將彭澤酒稱壽向庭闈

子聰惠書備言行路及遊王屋物趣因以答

自我河橋來清話殊未已亟言關通曉屢驚遠道彼尺書忽見還經由皆可紀
草草始辭家惠恩渡河水前鄉客心速入暮陰風起傍路隘且長疲弊未能止
茅居話夜春寒犬吠墟里明發西北行岡巒踰遠還蕭瑟但蒙密未見山中美
谷開達邑蘭豈謂連都鄙冠帶一二同廬廡左右比閭子奚所之僂眉聊啓齒
暫往登天壇煙雲隨步趾傍臨日觀低仰望萬丘還層層視塵埃紛紛若連蟻
便有林壑心期將榮宦委我昔愛青蒼無時常從倚今朝羨君游勝事空覺企
徒嗟黃綬身其接青輿軌安得憑羽輪幽懷寄如此

瓊州通判張殿丞元

欲向蕭關外窮陰雪暗沙磧寒鴻屬少冰合水泉隘自有從軍樂應無去國嗟
春風曾不到吹角寄梅花

張太素之郊幕

應幕向幽郊晨裝辭郡郭長亭欲少留飛鶴初成曲魯酒上離筵行塵生驥足
悠悠關戍遠馳驅煙雲屬塞邑多苦寒國風遺舊俗寄音文讌餘莫待霜條綠

孫屯田召爲御史

萬牘交車府恩書下建章輕軒辭瑞翟危弁舉神羊祖酌方滋桂行威欲犯霜
鳳毛仍襲慶難舌更含香氣鬱翔龍閣風清援鸞行今朝洛民思東陌感靈漿

與諸友昔明院亭納涼分題

岸曠清涼地餘然樂未窮竹陰過曉雨林表見殘虹花影平波上經聲小閣東

還思醉吟者寧與此時同

梅花

似長靈芳如先春發教林曾無驚蝶戀空被雪霜侵不道東風遠應悲上苑深
南枝已零落羌笛寄餘音

依韻和希深立春後祀風伯雨師畢過午橋莊

青郊誰駐馬謝客思池塘野水微波綠江梅嫩蕊黃初從東風雨遂此樂靈陽
已愛幽禽語園林即日芳

尹子漸歸華蓋夜若人形者賦以贈行

因歸話夜若人著桐君籍成形傳人物具體存標格神岳書粹和寒松化膏液
外凝石稜紫內蘊瓊腴白千載忽旦暮一朝成琥珀既鑒毫芒分不與蛟螭隔
捨芥曾未難爲器期增飾至珍行處稱美價定多益

初見杏花

不待春風遍煙林獨早開淺紅散醉粉青信有江梅

宛陵先生文集卷第一

宛陵先生文集卷第二

依韻和歐陽登廣福寺閣

過閣聯騎出登覽思曠清曉張林煙重春歸野水平始看仙杏發已愛袂衣輕
誰見吟餘處殘陽上古城

依韻和歐陽永叔同遊近郊

洛水橋邊春已迴柳條蔥蘢初開無人拾翠過幽渚有客尋芳上古臺林遠
珍禽時一鳴酒酣紅日未西顧知君最是憐風物更約偷閑取次來

依韻和永叔同遊上林院後亭見櫻桃花悉已披謝

去年君到見春遲今日尋芳是夙期祗道朱櫻纔弄蕊及來幽園已殘枝飄英
尚有遊蜂戀著子唯應谷鳥知把酒聊能慰餘景乘歡不厭夕陽時

依韻和王幾道塗次杏花有感

馬上逢丹杏芳條拂眼過可憐荒徑少不遺故園多艷華點紅蠟仙葩纖薄經
客心知易感路遠奈愁何

遊園晚歸馬上希深命賦

興盡夕陽天言歸躍杏驪新陰六街樹遠目萬家煙歌咽樓千尺吟餘月一弦
花間有遊妓醉去墮金鈿

留題希深笑梅亭

幽深有佳趣曾不減林泉衆綠經新雨殘紅墮夕煙栽萱北堂近夢草故池遠
乘月時來往清歌思浩然

留守相公新柳雙桂樓

藻棟起鸞閣芳條俯可華晚雲談次改高鳥坐中還日映城邊樹虹明雨外山
唯應謝池月來照衰衣闌

和希深避暑香山寺

有客乘新霽雲林共扣扁輕舟適下渡連水漲前汀原隰含幽藹岑嵐入杳冥
誰知得深趣履齒石苔青

和希深晚泛伊川

放溜下平波舟移不知還稍回堤口風恣愛雲中噴水鳥靜相依蘆洲鷺將晚
歸路莫言餘何妨乘月返

路中月夕登樓景畫與唐英話別

風枝不動月光午況是高臺過新雨吳客方思千里歸不資洛陽塵與土到時
水落鰓鱸肥香稻初炊鱸紅縷休言羊酪敵尊羹我亦長行念東楚平胡馬嘶
誰可留去去相望望春渚

張侍郎中隱堂

嚙昔人歸老於茲莖白雲阿高知後慶須至誦先芬草樹中國秀衣冠舊里閭
寧同江令宅寂寞向淮濱

太尉相公中伏日池亭宴會

何言避暑清宴水軒開竹氣陰池風雲華照衰山玳簪方映座綵服亦承顏
樂奏寒波上杯香繞菱間瓜浮五色爛簾卷半鉤彎今日賓裾感袁劉豈足攀

送藏尉

鶴鶴神仙尉西風驪馬歸離羣賦黃鶴拜慶著斑衣雨氣連關黑槐花上路飛
同爲洛陽客今日故人稀

新秋普明院竹林小飲詩序

余將北歸河陽友人歐陽永叔與二三君具觴豆選勝絕欲極一日之歡以爲
別於是得普明精廬釀酒竹林間少長環席去獻酬之禮而上下失容下不及
亂和然嘯歌趣逸天外酒既酣永叔曰今日之樂無愧於古昔乘美景遠塵俗
開口道心胸間達則達矣於文則未也命取紙寫普賢佳句置坐上各探一句
字字爲韻以誌茲會之美咸曰永叔言是不爾後人將以吾輩爲酒肉狂人乎
頃刻衆詩皆就乃索大白盡醉而去明日第其篇讀余爲敘云

得高樹早涼歸

翻然思何苦昨夜秋風高良友念將別幅巾還此遠清梵隔寒流蟬鳴古樹
誰知林下遊復得杯中趣池上暑風收竹間秋氣早回塘真苦留已覺王孫草
未墜高梧葉初生玉井涼愁心異潘岳獨自向河陽不減阮家會所嗟當北歸

厭厭敢醉醉明發此歡非

新秋雨夜西齋文會

夜色際陰燈燭青謝客齋梧桐生靜思緒離動秋懷小酌寧辭醉清言不厭諸
誰憐何水部吟苦怨空階

秋陰

已過蕭蕭雨猶成黯黯陰登臨潘岳思慘悽楚臣心遠吹鳴高樹低雲冒曉岑
久爲關外客不忍聽疎砧

雨中移竹

荷歸冒秋霖恩惠移翠竹欲分溪上陰聊助池邊綠中散林未開子猷心已足
青青謝栽培豈愧凡草木

希深所居官舍新得府相蔬園以廣西園

楚相披薜後蕭條三畝餘煙畦偶連畛園得增墟便欲開春沼何妨種野蔬
始添臺榭美況近子雲居

和采叔柘枝歌留守相公
西莊按舞

魚陽三疊音隆隆紅蕖亂坼當秋風披香擁霧出妖嬈嫵眉壯髮翻驚滿繡
離佩離芳渚珠帽紅韉振金縷相迎垂手勢如傾障袂倚歌詞欲吐最憐應節
乍低昂便轉疾徐皆可觀飄揚初認雪迴風躡躡還看蘭葉結小小寧聞怨曲
長盈盈自解依偎促華奇體妙按者誰金貂大尹宴清池綺筵繡幃輝映采
簪珠履何委蛇是時郊原新退暑天清氣爽過林野淮王載酒昔嘗聞謝公攜
妓那能數始知事簡樂民和不厭來觀柘枝舞

依韻和戴陽郊外

近隔蔥蘢曙驚鳥睥睨日光林杪動吹騎管中嘶路遠寒原古煙橫遠戍迷
今來異賓孟誰復歎雄雞

奉和承叔得辛判官伊陽所寄山桂數本封殖之後遂成雅韻以見貺

團團綠桂叢本自幽巖得惠好知不忘青蔥寧改色香生蓮幕間花白堂堂側
月露夜偏滋瓊枝相翕赫

河陽秋夕夢與承叔遊嵩避雨於峻極院賦詩及覺猶能憶記俄而僕
夫自洛來云承叔諸君陪希深祠岳因足成短韻

夕棲北窗下青山夢與尋相歡不異昔勝事却疑今風雨幽林靜雲煙古寺深
此二句
夢中得
攬衣方有感還書開來音

希深惠書言與師魯承叔子聰幾道遊嵩因誦而韻之

聞君奉宸詔瑞祝凝靈岫山水聊得游志願庶可就豈無朋從俱況此一二秀
方斷建春陌十刻殘晝漏初經緱氏嶺古柏尚鬱茂却過轅轅關巨石相撐闢
夕霽禮神祠法衣被藻繡畢事登山椒常服更短後從者十數人輕膺不爲阻
是時天清陰力氣勇奔驟雲巖香鬱蔽花草藏淵實傍林有珍禽驚聒若避殼
盤石暫憩休泓泉助吞漱上窺玉女窗斯絕非可擠下玩縹衣礎硯爛金紋透
尹子體雄恢筆鋒遒習狂歐陽稱壯齡疲軟屢顛踣藉數相扶持芒屨實踐蹂
八仙存故壇三醉孰云謬鄙哉封祝碑數子昔鑄鐘偶誌一時事曷虞來者詭
絕頂瞰諸峯崑崙然輕字宙遙思謝靈運欲知羣鳥獸韓公傳石室聞之固已舊
當時與稍衰不暇苦尋究東崖暗壑中釋子持經呪千今二十年飲食同猿狖
君子聆法音充爾溢膚腠期驛履過吾儕色先歛遂乖真諦言茲亦甘自
咎中頂會幾望涼蟾皓如畫紛紛坐談謔草草具觴豆清露濕巾裳誰人苦羸
瘦便即忘形骸胡爲纒纒或疑桂宮近斯語豈狂瞽歸來遊少室巉崿殊引
脰石室遙遙過探訪仍邂逅捫蘿上翠微仙屋何廣袤乳水出其間涓涓自成
溜凡骨此稟蒸靈真安可觀覆壁幾千尋四字伴篆籀咸意苦辭文誠爲造化
授標之神清洞民俗未嘗遽忽覺風雨冥冥無能久瞻扣恩恩速肯征勝事皆可
復俚歌縱喧嘩怪說多駭糅凌晨關塞陽追賞頗匪厚窮極四百里寧憚疲左
右昨朝書報予聞其醉醉耐所嗟遊遠方心焉倍如疚

送河清買主簿歸任

不遠水雲間悠悠修鶴還分亭接雞犬舉酒對河山殘雪依荒磧寒煙入暝灣
昔人鸞枳敷一并在離顏

依韻和承叔雪後見寄兼云自尹家兄弟及幾道散後子聰下縣久不

得歸頗有離索之歎

常欲登芒嶺無由見洛橋雪飛關戍迴人憶剡溪遙廣隰嘶征雁長河起怒潮
遠言歡友散能使去魂銷晚日窮幽藹愁雲暝涼寥縱令佳約在載酒定何邀

依韻和歐陽永叔黃河八韻

少本江南客今爲河曲遊歲時憂濫溢日夕見奔流驚岸侵民壤飄棹隔懸洲
峻阿皮作前古郡鐵爲牛目極高飛鳥身輕不及舟寒冰孤自聽源水使舊求
密樹隨灣轉長谷刮浪收如何黃沉玉川與是諸侯

季父知并州

棹出明光飛軒陟太行玉壘分近侍虎綬給新章旋吹喧行陌旌旗卷夜霜
鴈蹄汾水綠城壓代雲黃土屋春風峭駝囊牧騎狂關山寧久駐剩宴柳溪傍

河陰中寒寒食

擊柝聲初絕爲魚夢已殘幽禽啼清曉宿雨度鈴寒燄火明千竈風旗展一竿
歸心當社燕自教此微官

再至洛中寒食

西洛逢寒食依依似昔年千門方禁火九野自生煙飄泊梨花雨追隨杏葉韞
遊人夢帶歸風景燕伊川

同季叔子聰謝嵩山賦十二題

公孫問

我來袁公溪斷岸地殘曠柳遠隨灣漸蒲初出水行行古臺近兩兩驚禽起
雞犬不處聞人家深地裏

拜高閣

王子昔凌雲國人茲拜馬依依日夜笙聲入寒泉瀉空傳七日期飛鶴何時下

二室道

度嶺失羣山千峯出天際方欣左右看屢改繁迴勢勝事誰與同芬然有蘭惠

自棲極中院步登太室中峯

稅駕綠巖前繁蘿不知倦人從樹杪來路向雲端轉忽覺在煙霓回看峯嶺變

玉女窗

玉洞倚霞壁天窗露微明曉鸞去不返啼鳥空相驚萬木自虧蔽捫蘿復誰情

玉女攜衣石

幽石稱攜衣攜衣人不見雲縹白飄飄巖樹長蔥蒨猶應寒夜中山月來鋪練

天門

古壁何蒼蒼穿雲玉梯出欻然起青冥却立觀少室前巖復後峯陰晴狀非一

天門泉

泠泠雲外泉的的巖光入靜若仙鑪開寒凝玉龍盤時應下鹿臺迹印青苔濕

天地

安知最高頂清淺水池開有時片雲出倏忽生風雷誰雙黃鶴刷羽來徘徊

三辭石

相期物外遊共醉仙壇石舉手摩高穹清風生兩腋都忘塵世煩笑傲聊爲適

登太室中峯

日夕望蒼崖巔巔在天外及來步其巔下見河如帶半壁雲霧昏山根已露濡

峻極寺

山崑路已窮條爾達巔若落日老僧閑支頤古松下緩步入禪庭苔蒼但蕭灑

擬玉臺體七首

欲眠

驚禽羅簾開翡翠香幃寂解帶竟羞明移燈向東壁

攜手曲

攜手出中墜殷勤赴密期密期雖不遠迴顧步遲遲

雨中歸

來時雲冉冉去值雨霏霏莫怪羅衣濕荆王夢罷歸

別後

昨日日暮別今日日暮愁猶認縱裙色依依在石榴

夜夜曲

情來不自理明月生南樓坐感昔時樂翻成此夜愁

落日窗中坐

含情獨不語落日窗中時妾意與君意相思只自知

領邊繡

出門重新製纖手行自整願作花工兒長年承素頸

無題

斗覺瓊枝瘦情開寶鑑秋臨風恐仙去倚扇怯歌長絳桂薰輕服靈符佩蝶囊
西鄰空自賦不解到君傍

宛陵先生文集卷第二

宛陵先生文集卷第三

依韻和希深新秋會東堂

何必水周堂
儵然萬木涼
朋簪茲共樂
節物自迎商
巧笑承歡劇
新詞度曲長
駉驚非霧扇
泛蟻醺雲漿
並蒂榴房熟
連叢桂蕊香
人初投轄醉
客甚慘惻狂
簪約寒雅碧
衣輕舞蝶黃
流波閑任注
銷席豈依行
憂憂談筆倦
厭厭夜未央
良時誠可惜
清燕此無荒

客鄭馮疊韻自洛中東歸

襟衣本壞色
不化洛陽塵
獨有煙霞染
沉將山水親
西風入關戍
宿雨過城關
誰羨飄然迹
吾車亦已中

馬判官歸闕

與君歸洛陽
仕宦頗相偶
存萬選歲時
徘徊樂文酒
今歸已及瓜
爲贈聊折柳
亦將隨計書
慘別軍嗟久

錢彭城公赴隨州龍門道上作

零雨送車輪
初清遠陌塵
歸藩漢東國
過道洛陽人
伊水照虹旆
楚山懷玉麟
征軒不可戀
柳淚返城關

早行道中相逢

曉雞兩雲曉
曉曉車馬驟
唯憂不及見
及見反無言

古意

故人留雅曲
今與新人彈
新人聽不足
復使後人歎

送弟良臣歸宣城

喬木句溪邊
秋光幾曲連
將歸三畝宅
遠寄下江船
伴爾唯征鴈
悲予有暮蟬
親朋如見問
貧外似當年

河南張應之東齋

昔我居此時
鑿池通竹園
池清少游魚
林淺無棲羽
至今寒窗風
靜送枯荷雨
雨歇吏人稀
知君獨吟苦

河南王尉西齋

官舍古城隅
西齋何寂寂
種竹幽趣深
開屏翠光滴
青山露南牆
落日明東壁
危臺起其傍
平隄坐可觀
歲暮野田空
天高霜集繁
擊更憐風月
時幾弄林間笛

劉秀才歸河內

君家太行下
應復近蘇門
河氣如塞早
嵐煙覺暮昏
大鳴林外火
笛響月中邨
久作山陽客
逢人爲寄言

憶洛中舊居寄永叔兼謝師魯彥國

東堂石榴下
夜飲曉未還
絺衣濕浩露
桂酒生朱顏
君同尹與富
高論曾莫攀
開吐仁義奧
傲睨天地間
以此爲朋樂
衡門未嘗關
自從北闕來
擾擾時少閑
登危欲引望
尚不見雲山
何由覩夫子
客袂淚瀾斑

武陵行

生事在漁樵
所居亦煙水
野艇一竿絲
朝朝狎清泚
忽自傍藤陰
乘流轉山觜
始覺景氣佳
潛通小溪裏
常時不見春
入谷驚紅蕊
幽興窮綠波
詵芳心莫已
花外一峯明
林間碧洞啓
遙聞難犬音
漸悟人煙遠
捨舟行石徑
穿窬屐
豁然有田園
竹果相蔽倚
危崖聳人後
遇心頗喜
尚作秦衣裳
那知漢名氏
自言達世亂
避地因居此
來時手種桃
今日開如綺
更看水上花
幾度逐風委
競引飯彫胡
邀飲酌瓊醺
復呼童
穉穉前綠營
仍皓齒
細道念還茅
思歸釣鱸膾
將辭亦贈言
勿道丘壑棄
鼓枻出仙源
繁英猶遲遲
落暮返蒼洲
微風吹白芷
他日欲重過
過茫何處是

西宮怨

漢宮中選時
天下誰爲校
寵至莫言非
恩移難恃貌
一朝居別館
悔如何由效
買賦豈無金
其如君不樂

夏夜小亭有懷

西南雨氣濃
林上昏月色
寒影不隨人
寥寥空露白

外兄施伯侃下第赴并門叔父招

共是干時者
同爲失意人
言趨太原召
如慰宛陵親
鼓鼙聽臨塞
琴書未離身
別君無斗酒
寓識士安貧

鄭戡及第東歸後赴洋州幕

卻生方得桂王榮始從戎一舸辭吳會單車入漢中亂山雲木古側徑野泉通
欲識風煙美心知故國同

施判官赴饒州

昔日里中舊今爲幕下英煙波歸楚國風月滿都城食有江魚美時無羽檄驚
他年儻行縣肯使折腰迎

楊政赴官并州

嘗聞地近湖寒氣感中都車馬行臨塞關山見落榆吳鉤皆向壯章南幾爲儒
寄謝西曹掾能吟秀句無

歐陽寺丞桐城宰

葉落淮南樹青山偏馬頭人煙將近郭松竹不知秋夜虎林間嘯溪泉舍下流
門前仲卿廟遺迹待君求

祝熙載赴任東陽

東陽美山水之子本風流稍去何平叔還追沈隱侯清江飛曉雨斜日半滄洲
縣道行無燒煙蘿有勝遊

彥國通判絳州

結友時未久情親心已照氛埃外自遺風月還同調復與任浮沉未嘗趨近要
以此難處事防俗者諒今將辭我去盡日來談笑窮巷微茅茨高言出廊廟

且作朱轍行聊能發光耀當亦就銅墨遠之江海微山郭寂無喧雲川不妨釣
所嗟胡越人千里煩登眺

餘姚陳寺丞

試邑來勾越風煙復上游江潮自迎客山月亦隨舟海貨通閩市漁歌入縣樓
結琴無外事坐見浦帆收

明州推官鄭先輩

應幕海邊郡秋風千里歸隨潮吳榜駛轉浦楚山微野橋霜前熟江聲露下肥
還家候置鵲人想罷鳴機

聚蚊

日落月復昏飛蚊稍離聚空雷殷殷舞庭煙黑蛛網徒爾施磨斧鉅能疎
猛蝎亦助惡腹毒將肆毒不能有兩翅索索綠暗壁人人居大第蛟網圍枕席
嗟爾於其中寧幸爾如蚊忍哉傍窮困曾未哀瘡癢利物競相侵飲血自求益
蟪蛄空翻翔何嘗爲屏復鳴蟬飽風露亦不慚嘆息幾幾久特會有東方白

賦秋鴻送劉衡州

秋鴻整羽翮去就自因時往春南方來遂止天泉池天泉水清泚驚鷺日追隨
蒲藻豈不樂江湖信所宜今朝風色便暫向衡陽歸洞庭蓬萊下瀟湘先客飛
渚有蘭杜美心無稻粱卑發轍勿爾念羣隼寧爾觀煙波千萬里足以資盤嬉
峯前想回日青冥生路歧

清池

冷冷清水池藻芹何參差美人留采掇玉鮪自揚譽波瀾日已淺龜鼉日復滋
蝦蟇雖跳梁得以隸其涯競此長科斗凌亂滿澄澈空有文字質非無蘭策施
仙李勿苦羨寧將廬給車徒剖腹中書悠悠誰爾知聊保性命理遠潛江海湄
泚泚島足道任彼龜鼉爲

第得臣歸朝并州

知君歸去心已逐秋風起明發登太行遙將望汾水鶴鶴白雲下吾親正居此
拜慶易爲樂新除一官美

張脩赴成勝軍判官

青驪渡河水俠氣動刀環入幕沙塵暗臨風數角閑地形通柏谷秋色滿榆關
誰復輕儒者難淹筆硯間

平唐俞

通閩年最少才俊罕能雙騰去應棲室魂歸霧起窗慈親留漢水愛妾返荆江
一櫓纔能語旣然寄遠邦

任適尉烏程

俛作程鄉尉折腰還自甘卞峯晴照黛雪水曉澄藍對上春田闢蘆中走吏參